

Communicaziun a las medias: Rapport annual 2024 da l'Assicuranza d'edifizis dal Grischun

Cuira, ils 24-04-2025

In onn da gestiun reussì per la GVG – malgrà la gronda summa dals donns

L'Assicuranza d'edifizis dal Grischun (GVG) po guardar enavos sin in onn da gestiun 2024 cun blers donns, ma tuttina positiv. Cun CHF 28,7 miu. donns assicurads vi d'edifizis èn las indemnisaziuns da l'onn 2024 marcantamain sur la media dals ultims 10 onns. Ils martgads da finanzas èn sa sviluppads a moda positiva, quai che maina ad in gudogn d'investiziuns finanzialas da CHF 58,7 miu. La GVG posseda reservas da chapital solidas ed è vinavant abla da portar gronds eveniments da donn.

Las malauras da la stad en il Mesauc ed en autras parts dal chantun han gì consequenzas per la GVG. Tut en tut munta la summa dals donns a 28,7 miu: CHF 13,8 miu. per donns d'incendis e CHF 14,9 miu. per donns elementars. Ina summa anc pli gronda han ins pajà l'ultima giada l'onn 2005.

Ils martgads da finanzas èn sa sviluppads positivamain l'onn 2024. Il gudogn da las facultads d'investiziun da la GVG munta a CHF 58,7 miu. Quai corresponda ad ina rendita totala da 7,95 %. Ils gudogns cuvran la perdita operativa da CHF 14,8 miu. La GVG po perquai preschentar in quint da fatschenta positiv, malgrà la gronda perdita tecnica d'assicuranza. L'onn da rapport munta il gudogn total consolidà a CHF 30,6 miu.

Las reservas en mira per cuvrir ils ristgs technics d'assicuranza e per ils ristgs da fluctuaziun en la facultad d'investiziun èn cuvidas per 100 %. La GVG è finanzialmain sauna ed abla da portar gronds eveniments da donn. La clientella da la GVG profita ultra da quai vinavant da las pli bassas premias d'assicuranza en Svizra.

A basa dal triangul da success «prevenziun, intervenziun ed assicuranza» ha la GVG realisà impurtants pass da sia strategia definida l'onn avant. L'abiltad d'agir finanziala è vegnida rinforzada cun ina strategia da reassicuranza adattada. Grazia a la reorganisaziun da l'administraziun da finanzas han ins spargnà custs a moda signifitganta ed augmentà la resilienza operativa. Plinavant è la GVG vegnida undrada l'onn 2024 d'in institut independent cun il premi «Great Place to Work®».

Contact:

Dr. Marc Handlery, directur

Assicuranza d'edifizis dal Grischun, Ottostrasse 22, 7001 Cuira

T +41 81 258 90 01, M +41 78 715 11 73, E marc.handlery@gvg.gr.ch



A partir dals 24-04-2025, a las 10.30, po il rapport annual vegnir telechargià da la pagina d'internet www.gvg.gr.ch.